



## МИНЬ ГИМНАСТИКАНТЬ ВЕЧКСЫНЕК: СОН КЕМЕКСТЫ ШУМБРАЧИНЕК!

### Организованно ютавтсынек соревнованиятненъ

Течи ушодовсть гимнастикань коряс комсомолетнэнь массовой соревнованиятне, конат аштить комсомолетнэнь ды аволь союзной од ломатнэнь военно-физкультурной воспитанианть вадрылгавтоманзо коряс покш мероприятияс. Сынт значенияст покш аволь анык комсомолсо военно-физкультурной роботанть вадрылгавтоманзо туртов, но истяжо целанек советской физкультуранть развитиянзо туртовгак.


«Мон приветствую комсомолетнэнь од ушоткост сынт физической подготканы коряс, — сэрмась Советской Союзонь маршалось С. Буденный ялгась. — Гимнастикась ашти боевой физической навиктнесэ ды боецэнь строевой подготканы весе элементнэсэ куроксто ды парсте овладениятненъ лездамонь сехте вадрыл средствас. Самай секс пек питней, штобу эрва комсомолетнэсь овладевал гимнастикань ды сонзэ эйсэ занимался бу эрва чистэ».

Анык лиссь печатсь гимнастической соревнованиятнеде положениясь, Мордовиянь комсомолетнэсь весе вийсэ кармась анокстамо соревнованиянъ весе видтнэнь коряс. Колхозной, совхозной промышленной, транспортной ды учрежденческой комсомольской организациятнева сеске жо организовасть десяткаты ушодовсть тренировкатне. Ламонь таркава весе спортивтаранть комсомолетнэ анокстызь сынсь. Гимнастической соревнованиятненэнь упорной анокстамонть результатсо минек республикань комсомолетнэ ламо комсомолет течи кундасть соревнованиятненъ ютавтомо.

Но нельзя меремс, што минек республикань комсомольской организациянть роботасо соревнованиятненэнь анокстамо тевсэнть арасть асатыкст. Асатыкст улить ды пек покшт. Васняк, ВЛКСМ-нь ЦК-нть указанианзо коряс соревнованиятнесэ должны примамс участия весе комсомолетнэ. Сынт эйстэ освобождаются анык сеть, конань улить справкаст врачонь пельде. Но вана Лямбирской районсо соревнованиятненэнь анокстазь весемезэ анык 30 процент комсомолетнэнь эйстэ. Райкомонь секретаресь Шемет ялгась хладнокровна вансь те положенианть лангс.

Кой-кона райкомтне жо, кода Ардатовскоесь ды лиатне малав соревнованиятненъ ушодовома чинть самс эзть сода, зяро комсомолец жо кармить примамс участия гимнастической соревнованиятнесэ. Нама, истямо положениас ковгак а маштови. Сон корты комсомолонь райкомонь руководителтненъ соревнованиятненэнь анокстамонть аволь серьезной отношениядот.

Течи — соревнованиятненъ васенце чи. Сынъ кармить молеме апрелень 20-це чинть самс ды самай секс а эрви лоткамс сеть комсомолетнэнь лангс, конат охваченнойт соревнованиятнесэ. Эрви эрва чистэ ламолгавтомс соревнованиятненъ рядтнэнь ды истямо ладсо кармавтомс гимнастической соревнованиятнесэ участиянъ примамс весе комсомолетнэнь.



СНИМКАТНЕСЭ: (керш ёндо) Саранск ошонь 1-це № средней школы 10-це классонь тонавтницясь Шура Воронков тейни упражненият перекладина лангс. (Вить ёндо) Наркомобесэнь комсомольской организациянъ секретаресь Зоя Киселева бум лангс. Фотось Б. Козловонь.

### Сайсынек васень тарканть

Минек организациясонть весемезэ 23 комсомолец. Ютконок арась вейкек истямо, кона бу аволь уле спортсменэс. Комсомолетнэ вечксызь спортонть, вечксызь гимнастиканть!

История Армиянь XXIII-це годовщинань лемсэ лыжной комсомольской кроссонть Саранск ошонь весе предприятиянъ ды учреждениятненъ ютксо минь сайнек васень тарканть.

Ней жо вадрысто анокстазь минь вастынек массовой гимнастической соревнованиятненъ. Тренировочной занятия ютнине эрва чистэ. Физкультурной залсонок улить брусчат, кольчат, бум, козлат ды ламолия гимнастической инвентарь. Те шкас программань коряс ютнинек весе упражнениятненъ. Эрва комсомолетнэсь может парсте роботамо снарядсо, брусъяс, турниксэ. Истят эрва чинь занятиятне пек кемекстызь шумбрачине.

Десяткань командирэкс минек аравтозь сехте активной комсомолетнэ ды комсомолкат, сехте вадры гимнаст.

Комсомолканть М. Митинань минь аравтынек десяткань командирэкс. Маруся максень весе виензэ, штобу эрва комсомолетнэсь мог парсте содамо вольной упражнениятненъ, якамо бумга, парсте маштоволь сэрсь кирнявтне.

Истя жо вадрысто ютавты занятиятненъ комитетэнь членэсь Шура Шипурова. Сонзэ десяткасонть ламот парсте усвоили стройсэ якамонт, турниксэ ды брусъясо роботамонть.

Минек весе комсомолетнэ, кода и лыжной кроссонть, массовой физкультурной соревнованиятнесэ примить активной участия ды сайсызь васень тарканть.

3. Киселева,

Наркомобесэнь комсомольской организациянъ секретарь.

### Парсте отработали упражнениятненъ

Панжовсть весе форточкатне ды класктнэ пешкедсть тундонь свежа кошто. Уроконтень кадовсть еще зярыя минутат. Но вана каятоць звонок ды весе тонавтницятне стаякшность парта вакса.

— Смирно!.. Ве таркасо шагом марш! — сержедсь руководителсь.

Истя ушодовкшныть валскень зарядкатне Саранской 9-це № школос.

Нетъ зарядкатне мак-



А. Карпова.

### ТЕВЕСЬ ЛИЯКСТОМСЬ

Овси лиякстомсь фельдшерско-акушерской школаны гимнастической залос. Еще умок тесэ лавшосто молись спортивно-физкультурной роботас. Залос свал эрсесь чаво. Студентнэ совсильть тезэ анык академической чассто. Арасель гимнастической инвентарь, тонавтницятне а маштыльть теeme элементарной гимнастической номер.

Тевесь лиякстомсь, зяро школьной комсомольской комитетэнь секретаресь

сыть тонавтницятненэнь покш вий роботамост, сексак сынъ свал эрсить бодройть, уроксо зярдояк а марсиль сизема.

Старшей класктнэсэ жо ютыть упражненият ГТО-нь ды БГТО-нь комплекстнэнь коряс.

Неень шкасто минь покш мель явинек сеть упражнениятненъ отработкаст лангс, конатненъ марто сави тенек лисемс массовой гимнастической соревнованиятненэнь. Карпова.

И. Николаев.

Саранск.

### Соревнованиятненъ ушодовома чистэнтъ

Саранск ошонь сядот комсомолетнэ ды комсомолкат течи арыть шеренгас ды кармить вольной движениянъ тейнеме, кармить ловкойстэ кузнемс канатка, кирнявтнеме верев, кармить максомо норматненъ турниксэ, брусъяс.

Ошонь зярыя комсомольской организациянть вадрысто анокстазь вастызь соревнованиятненъ. Сынт ютксо пединститутонь, педучилищань, 1-це, 12-це № школаны, наркомобесэнь комсомольской организациятне.

Пединститутсо организовазь 40 группа. Комсомолетнэ ды аволь союзной од ломатне нетъ группатнесэ регулярна ютнестъ тренировочной занятия опытной гимнастонь руководствань коряс. Педучилищань комсомолетнэ истяжо регулярна тренировались. Сын сехте пек вадрысто анокстызь «Зарядкань» кондымо вольной движениятненъ.

Гимнастической соревнованиятненэнь анокстамосонть комсомольской организациятненэнь лесксэкс ВЛКСМ-нь ошонь комитетэсь кучсь 25 сех вадры гимнаст-комсомолец, сынст эйстэ ламотне, кода Разумов, Вершинина, Прекинов, Киреев, Синельников ды лият, ютавть покш робота соревнованиятненэнь анокстамонть коряс. Значительной лескстенэсь комсомольской организациятненэнь макссть «Спартак» ды «Динамо» добровольной спортивной обществатне.

Соревнованиятненъ васенце чистэнтъ Саранскойсэ кармить участвовать 1000 комсомолец, лиякс меремс ошонь организациянъ 1/3 пельксэсь.

Саранск ошонь комсомолетнэ кармить энергична бороцямс гимнастической соревнованиятненъ образовыстэ ютавтомаст кис. Нетъ соревнованиятне улить од эскельксэкс од ломатненъ военно-физической воспитанианть седе тов вадрылгавтомань кинть лангс.

Е. Фролов,

ВЛКСМ-нь Саранск ошонь комитетэнь военно-физкультурной комиссиянъ председатель.



# Вана кода сын лездыт колхозонтень!

## Активностень касома

Комсомолонь комитетэнь икелень секретаресь Мухордов эсензэ бездеятельностьсэнзэ допрок лавшомгавтнине комсомольской роботанть. Мик собраният-как колмо-ниле ковань перть тейнесть весть.

Иенть ушодовомсто минек колхозс сась роботамо шоферкс И. А. Кочин комсомолецсь, кона ульнесь участникекс белофинитнень каршо бойтнесэ. Васень читнестэ жо сон эсь прызю невтнине вадра производственникекс ды паро ялгакс. Сестэ минь комсомольской собраниясо Мухордовонь каниек секретарьстэ ды тарказонзо кочкинекс Кочин ялганть. Мейстэ ушодынекс роботанть?

Васень задачкас аравтынекс эсь икеленек—кастамс комсомольской организацианть. Тень кис пурнынекс колхозной од ломанень собрания, косо теезель доклад комсомолдо. Докладонть теизе ВКП(б)-нь члензэ Копылов ялгасть. Сон ёвтнине красномысленной комсомолонть весе боевой кинзэ, ловнось отрывкат Николай Островскоень «Как закалялась сталь» книгастонть.

— Кода монень улемс,—кевкстизе докладчикенть Подзоров ялгасть,—охота тень совамс комсомолс, но мон а сёрмас, а политикас а чарькодян?

Вана те кевокстемась кармавтызе арасеме комитетанть. Комитетань заседания примасть решения организавамс сёрмас а содыцятнень тонаванманть, ВЛКСМ-нь программань ды уставонь тонавнеманть. Решазь—теезь. Колмо ковань перть комсомольской организациань 4 ломаньстэ кась 20 ломаньс.

Февралень 3-це чистэ пурназель комсомольской собрания, косо аравтозель вопрос организацианть роботанзо вадрылгавтомадо.

Теде икеле секретаресь Кочин ялгасть кевокстнине комсомолецтнень—кие мейсэ интересуется, кодат кружокт эрять организавамс. Собраниясонть организавазель Ворошиловской стрелоконь ды агротехнической кружокт, кочкасть редколлегия; комитетанть ульнесь поручен теомс организацианть роботанзо план. Те планось кемекстазель омбоце собраниясо, косо теде башка аравтозель вопрос тунда видеманть анокстамо.

— XVIII-це партконференциянь решениятне,—кортась эсь докладсонзо агрономось-комсомолкась Сорокина ялгасть,—вешить, штобу те иестэ добовамс 7 миллиард 900 миллион пондо зёрна. Комсомолецтнень почетной те-вест лездамс те задачанть решамосонзо.

Ульнесь решазь—4 ломаньстэ организавамс комсомольской бригада видьмекстнень сортировамонть коряс, провэрямс кодамо уход ветить лишметнень мельга ды кода витнить вельхозинвентаренть. Проверямсто комсомолецтнэ таргасть ламо асатыкт, конатнеде пачтасть колхозонь председателентень ды сёрмадсть «Борьба за урожай» стенгазетанть.

Комсомольской организациань роботань планонть педявтызь ловнома кудонь стенас. Эрва комсомолецсь соды зардо ды мезе карми улемс планонь коряс ды башка тердема а учни—сонсь собраниян. Собраниян чинь повесткась пачтыви кавто-колмо чиде икелев, штобу комсомолецтнэ анокставольть выступленият. Секс самай хоть кодамо вопросонь толковамось минек юты активностэ.

Н. Косов.

Ковылкинской райононь Тельман лемсэ колхозонь комсомольской организациань активностэ лезды колхозонь правлениянтень ды партийной организацианть производственной задачанть решамосонть. Комсомолецтнэ эсест личной примерсэст, инициативасот, трудонтень социалистической отношенииност тердить весе колхозниктнень честнасто ды добросовестнасто роботамо.

Тесэ минь печататано кой-кона комсомолецтнэнь корреспондентяст, косо сын ёвтинить эсест роботань опыттэст.

## Инициатива

Ютазь иестэ минек колхозонтень производственной плантнэ теезель формальна, бригадатнень продукцият жо башка эзь лововт. Те неяви тень эйстэ, што иень прыдомсто весе колмонест бригадатнень доходот ловозь вейкекс, мезесь пек а виде. Штобу истямо тев аволь уле 1941 иестэ, комсомолецтнэ макссть предложеният колхозонь правлениянтень—нейке жо организавамс звенат, звенасо роботыця ломатне содавольть мезе ды зардо планонь коряс сын должны теомс.

Те предложениянт тевс ютавтозь, кармасть вадрылгавтомо трудонь учётось ды касомо колхозниктнень трудонь производительностест.

Комсомолецтнэнь инициативаст коряс маласо шкасто улит витнезь паксян стаянтэ. Колхозонт моданзо ламо, паксянзо таргавсть васолга, мик кемень вайгельбень тарка. Ды бути а теомс тозонь паксян стаянт, колхозниктнень

трудонь производительностест улелель седе алкине.

Аволь умок минек организациань колмо ломаньстэ организавамс инициативной группа колхозной производствань ваньксчинть ды вельхозинвентарень анокчинть проверямо коряс. Те бригадась проверинзе весе бригадань картнэнь, кузницянть ды мастерскоенть. Таргась тосто зарья эрва кодат асатыкт ды ёвтызе, кодамо ладсо сынст эрвяи витемс. Примеркс, сын неийз кода беряньстэ ванстави вельхозинвентаресь. Ламо сянгт, пилат, узереть кирдесть навоз потсо. Учёт кодамояк арасель. Сын ёвтызь правлениянтень, што вельхозинвентарент эрвяи саемс строгой учётс, кемекстамс сонзэ эрва бригаданть ды весе бригадатнесэ теомс инвентарной спискат.

Неть асатыктнэ ней витезь.

И. Кочин,

ВЛКСМ-нь комитетань секретарь.

## Бойкасто ды парсте

Штобу седе курок анокстамс видьмекстнень, комсомольской собраниясо сайнекс мель организавамс бригада сортировамонть коряс. Бригаданть составть ниле комсомолкат: Мухордова, Крындакова, Шлыкова ды Камбулатова.

Агротехнической кружоконь занятиясо комсомолкась Е. Сорокина ялгасть толковизе тенет вадра видьмекстнэнь леззет урожайностень кепедемасонть ды решизь невтемс теньсэ пример весе колхозниктнень.

Колхозонь сарайс ускеть сортировка ды кундасть тевс. Вейкесь эйстэст велавты рукоятка, омбоцесь—кайси апок

сортирова видьмекст сортировкас, колмоцесь—мешокс пурны сортировазь видьмекстнэнь, нилецсь жо—лишмесэ ускес зёрна марто мешокт.

Тевест тусь вадрысто. Эрва чистэ комсомолкатне нормаст эйсэ топавтыть 200 процентс. Качествась пек паро.

Самай секс колхозной собраниясо неть тейтертнень доверили омбоце почетной тев—следямс видьмекстнэнь програвлениянт мельга. Заверяем колхозниктнень, што тесаяк минь невтнано комсомольской пример.

Бригадань руководителесь

В. Мухордова.

## Истя ютавтыть эсь ютко шкаст

Комнатась ванькс, валдо, вальматне-ва занавескат. Столь ланга путнезь пецят. Стенасо педявтозь стенгазета «Борьба за урожай», географической карта, диаграммат, лозунгт ды вож-дён портрет. Уголсо шкафсо радиоланурсевти коштонть моронь мазый мелодиясо.

Истямо Тельман лемсэ колхозонь ловнома кудонть потмозо. Вечксызь велень од ломатне тесэ ютко шкаст ютавтоманть. Кодак ансяк прыдсызь эсь роботасть, сын чинить тей.

Ловнома-кудосонть тейнить докладт международной положениандонть, од ломатнень эрямодот капиталистической масторсо ды лия темас. Беседатне сех ламо эрсит «ВКП(б)-нь историянь краткой курсонть» коряс. Неть докладтнэнь ды беседатнэнь тейнить средней школынь учительт, партийной ды советской работникт. Ули теезь план, косто неяви зардо ули ютавтозь комсомольской собрания ды коли кодамо кружок роботы.

Тесэ жо ютавты эсь занятиянзо политкружокось. Весе комсомолецтнэ—политкружоконь члент. Ней сын глу-бокойстэ тонавтинить ВКП(б)-нь XVIII-це конференциянь решениянтень. Эрвась эйстэст вети конспект.

Ловнома кудосонть жо тейнить информацият агитколлективнень члентнэ. Сын весе комсомолецт. Эрвась эйстэст кемекстась бригадас, косо толковать партконференциянь решениянтень ды кармить ветиам агитационной роботы видема шкастоаяк.

Агротехнической кружоконь занятиянеяк ютавтиневить ловнома кудосо. Те кружоконть занятиянзо недлянзо эрсит весть. Кружоконь руководителесь Сорокина ялгасть ёвти тенет СССР-нь велень хозяйствань передовиктнень, ефремовецтнэнь, роботань опытэст. Чиде-чис кась од ломатнень интересэст агротехнической правилатнень содамонтень. Кавто ковань перть кружокось кась 20 ломаньс. Кружоконь занятияс тердекшнть велень хозяйствань Всесоюзной выставкань участникть, конат ёвтинить мезе нейсть выставкостонть.

Варштатано клубс. Тосо ули гармония, патефон ды радио. А эрси истямо чокшне, штобу клубось улелель пектазэ.

Сеетьстэ тесэ эрсит постановкат, кино. А умок невтэзь Горькоень «На дне», Гоголень «Ревизор» ды лия пьесатне. Весе те тевенть теизе драмкружокось (руководителесь А. Ф. Ивашкин ялгасть). Те драмкружоксонть примасть

## Комсомольской лескс

Мелят сёксня кадовсть апок уряда ламо кансть коморот. Тельня сын валавсть лов алов. Емасть колхозонь руководителентень сельмест икельде неть кансть коморотне ды мик эзь са прызост арасема, што курок ловось солы ды пандо прысто чудия бутрав чудикеркстнэ саласызь ды наксавтсыз те покш парочинть. Но комсомолецтнэ эзизь кадо мушконть ёмамо.

Мартонь 27-це чистэ комсомольской собраниясо сын аравтэсть вопрос неть кансть коморотнень ускемадо.

— Ванстамс государственной парочинть,—кортась комсомолецсь П. С. Мухордов,—те минек кровной тевенек. Мень минь ульдяно комсомолецт, бути сельменек икеле карми ёмамо парочи.

Комсомолецтнэ ве мельсэ примасть решения выхондой чистэ организавамс комсомольской лескс ды а кадомс наксадомо вейкеяк кансть коморо.

Бригадасто вешть лишметь ды кармасть ускемест. Тевесь ульнесь аволь шождыне. Эрвась сынст таргемс лов потсо, чукамс эйстэст ээнт. Кавто чис вейкень пес кансть коморотнень ускисзь сарайс.

В. Крындакова.

## Пурнатано местной удобрения

Колхозной собраниясо комсомолецтнэ аравтэсть вопрос местной удобрениян пурнамо.

— Маныть удобрения аламо уско-зель паксяс,—кортась собраниясонть Рубцов ялгасть,—урожаесь ульнесь седе алкине ютазь иенть коряс. Мелят заботинек тень кис—гектарстонть сайнекс 12 центнер зёрна.

Колхозниктне макссть вал таштамс кулов ды саразонь помет.

Февралень 13-це чистэ Рубцов ялганть марто вейсэ сайнекс бригадасто лишме ды туинек местной удобрениян пурнамо. Вейке чис пурнынекс 40 центнер саразонь помёт.

Седе мейле комсомолецтнэ аволь союзной од ломатнень марто вейсэ кармасть паксяв навозонь ускеме. Недлянь перть ванькскавтызь весе колхозной картнэнь, конатнестэ ускеть 400 улав.

П. Мухордов.

участия аволь ансяк средней школынь тонавтицяне, но колхозонь од ломатнеяк. Ней Маевь 1-це чинть анок-стыть Островскоень «Гроза» ды «Лес» пьесатнень.

Клубсонть жо ветяви и осовахи-мовской роботась. Эрйт беседат обо-ронной тема лангс. Примеркс, ульнесь беседа сы шкань войнадо. Комсомолецтнэ—Осовахиимень члент. Тонавтиный винтовканть, противогазонть, внутрен-ней ды пехотной службань уставонть. Кавто ковань перть аноктазь «ПВХО-нь» 13 значкист, ГСО-нь 10 значкист.

Ней аноктавить ВС-нь значкист. Эрва выхондой чистэ комсомолецтнэ якить леднеме. Сех вадра стрелоктне Подзоров, Косов ды Киселев.

Январь ковстонть сазь клубсонть роботы автокружок.

— Тон тонсь шофер, минекак тонавтомизь автомобилёсэ ардтнеме,—энялдсть комсомолецтнэ эсест секретарентень И. Кочин ялганть.

Ды кармасть тонавтинеме автомобилёнт. Эрва ковстонть пурнавикшнть колмокс. Комсомолецтнэде башка кружоконь занятияс якить аволь союзной од ломатка.

Вана истя ютавтыть эсь ютко шкаст Тельман лемсэ колхозонь комсомолецтнэ.

П. Саля.

Ковылкинской район.



# Юной техниктё—школантёнь лездамо!

## ОБОРУДУЙТЕ ЭСЬ ШКОЛАНК САМОДЕЛЬНОЙ ПРИБОРСО

Эйкакшт, 1941 иень октябры ковсто Московско карми улеме «Юной техниктё—школантёнь лездамо» конкурсонь уча- стниктёнь сехте вадря роботаст выставка.

Минек республикань зяряя школань тонавтният алкуксонь тевсэ включи- лись те конкурсонтёнь. Примеркс, Са- ранск ошонь 44-це № школань тонав- ницятне Вова Перяков ды Лева Карта- ев строят электромотор кольцевой ста- тор марто. Сынъ жо тейстэ вольтовой дуга. Неть прибортнэ средней школасо пек эрвикст физикань коряс уроксо. 6-це № школань тонавтниця Ливонов строи прибор теплопроводностёнь опре- делениянь кис. Казанов строи водяной турбина. Неть прибортнэ физикань коряс урокнэ пек эривить.

Ды ламо лия пионер, тонавтният анокстыть конкурсонтёнь. Но улить минек республикансёнь еше ламо шко- лат, конат тешкас мезеяк а содыткак конкурстёнь. Ведь весе пионернэ, ве- се тонавтниятне могут ды должны примаме активной участия конкурс- онть. Эрвася может теёмс электром- тор, меловой циркуль ды лият. Тей- сё сынъ покш лезэ бу максовольтэ эсь школантёнь ды седе парсте бу карма- вольтэ закреплять школасо получа- звание тей. Минек ламо школава а сатыть эрвикс наглядной пособиат,

мие истят простой вещат, кода мело- вой циркуль или транспортир. А бути, эйкакшт, тынь включитесь конкурсон- тёнь, сестэ весе неть вещатнень ды ламо лият эрвикс пособиат тейдядо тынсь.

Ламонь таркасо беряньстэ ашти те- весё конкурсонтёнь анокстамонть эйсэ руководстванть коряс. Саёмс Саранск ошонь 6-це № школань. Тосо эйкак- штне кундасть тевс, анокстыть эрва кодат модельтэ, приборт ды лият. Те- ке жо шкане арась кодамояк руковод- ства те тевсэнь, а ванстыть теезэ прибортнэнь. Вейке тонавтният тейнесь прибор, сонзэ мельга арасель кодамояк наблюдения. Эйкакшось тейзе прибо- ронть, мейле полавтызе эсь решениязо ды приборонть тапизе.

1-це номер школась макссь заявка конкурсонтё участиянь коряс, но тевс тосо еше эзть кунда.

Эйкакшт, включайтесь «Юной тех- никтё—школантёнь лездамо» конкур- сонть. Оборудуйте эсь школанк са- модельной приборсо. Бороцядо сень кис, штобу тынк сехте вадря роботанк понговольтэ «Юной техниктё—шко- лантёнь лездамо» конкурсонь выстав- кантёнь.

Н. НИКУЛИН—  
Мордовской АССР-нь Юной техникень  
Центральной станциянь инструктор.



11-це № школань 6-це классонь то- навтниця Паша Усов «Юной техниктё—школантёнь лездамо» конкур- сонть теи фотоаппарат.

СНИМКАСОНТЬ: Паша Усов юной техниктёнь станциянь фотолaborато- риясонть.

Фотось К. Свитинэнь.


## ТОНАДОДО ФОТОАППАРАТОНЬ ТЕЕМЕ

Мон пек вечкса фотографиянь. За- нимаюсь юной техниктёнь центральной станциянь фотолaborациясонть. Тона- дынь аволь ансяк фотографировано, но маштан фотоаппаратонь теемеяк. Ней строян «ФЭД» типень фотоаппарат. Максый заявка, што арсян участво- вать «Юной техниктё—школантёнь лез- дамо» конкурсонтёнь.

Школосо ламот программань коряс тонавтният фотографиинь особенност- нень. Монъ пожеланиян, эйкакшт, ис- тят: кие вечксы фотографиинь тевентэ—улеза фотографокс. Ды эрвантёнь эрви тонадомс фотоаппаратонь тееме. Ды аволь ансяк тонадомс, но теёмскак. Организовано, эйкакшт, эсенк школасо фотокружок ды включитесь «Юной тех- никтё—школантёнь лездамо» конкур- сонть.

Паша Усов,

Саранск ошонь 11-це № школань то- навтниця.



Лева Картаев ды Вова Перяков «Юной техниктё—школантёнь лездамо» конкурсонтёнь теи электромотор.

СНИМКАСОНТЬ: Л. Картаев ды В. Перяков роботыть юной техниктёнь станциясонть.

Фотось К. Свитинэнь.

## Тейдяно эсь школатненень учебно-наглядной пособиат

Се шкастонть, зардо весе минек мас- торонть келес—ошсо ды велесэ, фаб- рикасо ды заводсо, колхозсо ды совхоз- со, машинно-тракторной станциясо— трудипатне бороцять Всесоюзной пар- тийной XVIII-це конференциянь чествэ эсь роботасост од успехтёнь, од из- вьякстнень кис,—Мордовской АССР-нь Наркомпроссо юной техниктёнь ды на- туралистнень республиканской стан- циясь являвтсь конкурс: «Юной тех- никтё—школантёнь лездамо».

Конкурсось карми молеме 1941 иень августонь 1-це чинть самс.

Мордовиянь ламо школат, пионер- ты ды тонавтният включились конкурс- онть ды сайсть эсь лангозост конкрет- ной обязательстват сень коряс, штобу теёмс самодельной учебной наглядной пособиат эсь школань физической, хи- мической, биологической ды лия каби- нетнэнь оборудованиянь туртов.

Пионертнэнь ды тонавтниятнень те покш роботас аволь ансяк лезды по- полнить эрвикс учебной наглядной пособиасо школьной кабинетнэнь, но истяжо лезды тест практикасо закреп- ить школасо получа- звание тей.

Рузаевка ошсо 38-це № школасонть юной техниктёнь кружокось, конань

эйсэ руководят физикань коряс препода- вателесэ ды кружоконь старостасэ 10-це классонь тонавтниця А. Тужил- кин, — конкурсонтё эйсэ участиязо ушодызе физической кабинетсэнь учеб- но-наглядной пособиатнень витнемас- тонть. Сынъ витнияз индукционной ка- тушкань, рычажной реостатонть, 2 электромоторнэнь ды лият. Весемезэ витнезэ 7 приборт. Ней кружокось тешк- тизе витнема ды одс теёмс еше 13 прибор, сынст ютксо: прибор токнень взаимодействия демонстрациянь тур- тов, переменной токонь выпрямитель, оптической скамья, Гофмановь прибор ды лият. Юной техниктё покш мельсэ роботыть прибортнэнь витнемань тев- сентэ ды теке жо шкане сынъ практи- касо тонавтният прибортнэнь ды сынст взаимодействия.

Рузаевка ошонь 40-це № школасо 5-це классонь тонавтниця Слава Бе- лаяв конкурсонтёнь строи электром- тор.

Рузаевской районсо Рузаевка велень средней школасонть юной физиктёнь кружокось конкурсонтёнь представле- ниянь кис строясь действующей паро- вой машина. Кружоконь 15 эйкакш. Сынъ арсить строямс зяряя модельтэ.

Конкурсонтё участвуют Ширингуш- ской районсо школатне. Тосто састэ 36 заявка конкурсонтё участиядонть.

Саранск ошонь 44-це № школасо 6-це классонь тонавтниця Вова Перя- ков ды 7-це классонь тонавтниця Лева Картаев строят электромотор кольцевой статор марто. 7-це клас- сонь тонавтниця Слава Богатырев теи «Магнето».

Саранск ошонь 12-це № школасо 8-це классонь тонавтниятне Витя Сви- тин ды Витя Бузаев строят аэродина- мической труба. 6-це № школань то- навтниця Молоков аноксты мнимой рентгеновской аппарат, Казанцев—паро- вой турбина.

Ды ламо лия школасо пионернэ ды тонавтниятне строят приборт физи- ческой ды химической кабинетнэнь туртов, истяжо анокстыть фотоальбомт, фотовитринат, световой картат, линей- кат, меловой циркуль ды лият.

Эрви минек республикань эрва пионерэнтёнь ды тонавтниятнень при- маме участия конкурсонтё. Минь долж- ны максом школатненень тышат эрва кодат приборт, учебной наглядной по- собият, теёмс эрва кодат модельтэ. Эрви эсь вийсэ анокстамс школьной кабинетнэнь учебно-наглядной посо- бият.

Конкурсонтёнь можна кучомс паровой машинань, турбинань, электромоторонь, динамомашинань самодельной приборт



Саранской 12-це № школань 7-це классонь тонавтниця Л. Сатников юной техниктёнь станциянь радио- лабораториясонть теи радиоприемник.

Фотось К. Свитинэнь.

## Монсь тейнян радиоаппарат

Ютасть вете иеть седе мейле, кода мон карминь улеме радиолубителекс. Те шканть перть пек ламо карминь сода- мо радионь кувалт, ютко шкане тонав- тилинь те тевентэ. Те лездась монень ды лезды радиоприемникень теёмстэ. Лако эрва кодат радиоприемниктэ тей- некшнинь. Ютась истэнтэ теекшнинь радиоприемник РФ—1.

Минек школасонть ули радиокружок, монгак сонзэ эйсэ член. Кружокось покш знания максит радиолубительтнень.

Мон включился «Юной техниктё—школантёнь лездамо» конкурсонтёнь.

Заочной омбоце радиовыставкантёнь анокстан радиоприемник 1—V—1, ко- на карми роботамо средней ды кувача вол- насо.

Вова Бакабинов,

Рузаевка ошонь 37-це № школань 9-це классо тонавтниця.

ды модельтэ, фотомонтаж, альбомт, картат, коллекция, гербарият, днев- никтэ, диаграммат животной молодня- конть мельга якамонтэ коряс ды лия приборт ды модельтэ, конатне могут школасо улеме учебно-наглядной посо- биякс.

Конкурсонтё участиядо заявкань примамось карми молеме 1941 иень июлень 20-це чинть самс. Примамо кар- мить юной техниктёнь ды натуралистнэнь весе районной станциятне, пионернэнь кудотне. Модельтнень примамось жо карми молеме сень коряс, кода сынъ улить анокстэзэ.

Конкурсонтё прибортнэнь анокста- монть коряс пионертнэнь ды тонавтни- ятнэнь должны лездамс родительтне, педагогтне, специалистэ. Эрви весе школатнесэ башка предметнэнь коряс организовамс конкурсонтёнь анокста- монь робота. Конкурсонтёнь анокстэзэ, приборонь, моделень теёмань анокста- монть организовазэ, эйкакштнень тонав- томс трудонть вечкеме.

«Юной техниктё—школантёнь лез- дамо» конкурсось должен ютамс истямо лозунгонь коряс, штобу закрепить то- навтниятнэнь знания, привить сы- нест трудовой навыкты ды оборудовать эсь школаст самодельной учебно-наг- ладной пособиасо.

Б. БОБРОВ,  
Юной техниктёнь ды натуралист- нень республиканской станциянь ди- ректор.



## РСФСР-нь Верховной Советэнь I-це созывень IV-це сессиясь

Апрелень 3-це чинь валске РСФСР-нь Верховной Советэнь Председателень заместителень П. С. Макарова депутатонть председательстванзо коряс ульнесь РСФСР-нь Верховной Советэнь I-це созывень IV-це сессиянь нилеце заседаниязо. Мольсь прениянь РСФСР-нь финанстнень Народной Комиссаронть А. А. Посконов ялганть докладонзо коряс 1941 иентень РСФСР-нь Государственной бюджеттэнь.

Депутатнэ ве мельсэ шнызь сессиянть кемекстамос максозь бюджеттэнь.

Апак использова резерватнеде кортась эсь выступлениясонзо РСФСР-нь Мясной ды Молочной промышленностень Народной Комиссарось В. В. Воробьев ялгась. Наркоматонь предприятиясэ еще покшт простойтне ды аволь производительной расходтне. Пек ламо сехте питней отходтне использовавить седе а ков беряньсэ. РСФСР-нь Торговлянь Народной Комиссарось Д. В. Павлов депутатось признал, што торговлянь Народной Комиссариатось еще не обеспечил торговой организациятнесэ ёмавстнень, растрататнень ды салсематнень ликвидированть. 1940 иестэ торговой организациятнесэ ёмавкстнэ ульнесь 140 миллион целковой.

РСФСР-нь Финанстнень Народной Комиссариатонть ды сонзэ местной органтинень роботасост асатыктнеде кортасть эсь выступлениясост А. М. Буеверов ды К. П. Ардашев депутатнэ. Буеверов депутатось яловтызе сессиянь мелензэ, што те шкас яла еще действует местной финанстнеде 1926 иестэ поддэз положенийсэ. Сон умок таштомсэ, ёмавтызе эрва кодамо практической смысломзэ ды анык стакалгавты местной финансовой органтинень роботу.

Ардашев депутатось невтьсэ оштнесэ кустартнень ды ремесленниктнень пельде налогтнень пурнамонть аволь удовлетворительнойсэ аравтоманзо лангс.

Народной хозяйстванть развитиасэ ды социально-культурной мероприятиятнесэ иестэ иес касыця ассигнованиятне обеспечивают советской интеллигенциянь кадратнень пек виевстэ касоманть. Тульской облсоветэнь исполкомонь председателесь Н. И. Чмутов пачтысь, што областсэньтэ ней лововить тыщадэ ламо врачт, 13 тыщадэ ламо учительт, 1.700 агроном, зоотехникт, ветеринарной врачт, землеустроительт, тышат инженерт, техникт, конструкторт.

Мичуринскойсэ покшт научной роботадонть кортась С. Ф. Черненко депутатось. Опысь теевсь научной плодотворивань алкуксонь центракс. Тесэ успешнойсэ роботыть центральной генетической лабораториясь, конань основал Мичурин, плодотворивань научно-исследовательской институтось, Мичурин лемсэ плод овощной ВУЗ, плодовоощной техникум ды лицей.

Апрелень 3-це чистэ сессиянь заседаниясонть выступили истяжо депутатнэ И. Л. Иволгин, Г. И. Поляков, П. Н. Аганичев, И. И. Соколов, РСФСР-нь Социальной обеспечениянь Народной Комиссарось А. П. Гришаконь ялгась, РСФСР-нь Пищевой Промышленностень Народной Комиссарось С. Д. Романычев ялгась.

Апрелень 4-це чистэ ульнесь РСФСР-нь Верховной Советэнь IV-це Сессиянь ветеце заседаниязо. А. Х. Тынчеровонь председательстванзо коряс мольсь 1941 иентень РСФСР-нь Государственной бюджеттэнь РСФСР-нь финанстнень Народной Комиссаронть А. А. Посконов ялганть докладонзо толковамось.

П. В. Майоров депутатось пачтысь, што Московонь ошонь хозяйстванть развитианть ассигнованиятне максыть возможность строиць пель миллиард целковонь питнесэ эрдомонь од кудот, оборудоваць столицань од зданиятнесэ 439 магазин, ателье, столовой ды лицей.



Апрелень 1-це чистэ Кремлясо РСФСР-нь Верховной Советэнь заседанинь залсонть панжовсь РСФСР-нь Верховной Советэнь нилеце сессиясь.

СНИМКАСОНТЬ: заседаниянь залсонть.

Фотось Ф. Кисловонь, (ТАСС-нь фотохроника).

— Иестэ иес, — яволявсь И. И. Дунаевский депутатось, — апак лотксе касыть социально-культурной мероприятиятнесэ ассигнованиятне. Те макени пек вадра результатт. Покшт успехт теиь русской народонь искусствасэ, кона эсензэ выдающейся мастертнень опытест лезды братской народтнень искусстванть. Наукань ды искусствань ломатненень партияньт ды правительстванть мелест пек вадра невтемасэ ашти наукань, искусствань тевсэнть выдающейся роботатнень кис ды изобретениятнень кис сталинской премиятнень аравтомась ды присуждениясь.

Г. П. Громов депутатось кортась физической культуранть развитианьсэ. Малав 9 миллион ломать участвоватне иень тельня профсоюзной ды комсомольской кросстнесэ, Осоавиахимень военно-лыжной соревнованиятнесэ. Интересной даннойт автономной республикатнесэ культуранть развитианьсэ невтьсэ Г. Г. Дорофеев депутатось. Башкириясь вельтывсь школань, больницань, клубонь, ловнома кудонь пек келей сетсэ. Республикасонть лововить 14 театра, зярйа высшей учебной заведенияньт, касыть интеллигенциянь национальной кадрат.

РСФСР-нь Просвещениянь Народной Комиссарось В. П. Потемкин ялгась яволявсь, што просвещениясь тешкстазь ассигнованиятне материальна обеспечивають задачанть топавтоманзо, конань аравтызе ВКП(б)-нь XVIII-це съездсэ — ютавоме тевс колмоце пятилеткань приростоманть оштнесэ ды рабочей поселкатнесэ 10 иень образованияньт ды

велетнесэ ды национальной республикатнесэ 7 иень образованияньт.

РСФСР-нь строительной материалнень промышленностень Народной Комиссарось И. П. Гвоздарев ялгась ды РСФСР-нь легкой промышленностень народонь комиссарось А. Г. Зенов ялгась, конат выступали прениятнесэ, ловизь видеке наркоматнень, конатнень сынн возглавляють, роботаст критикантьт ды яволявсь, што те критикантьт эистэ сынн теить эривике практической выводт.

Покшт мелсэ ульнесь кунсолозь РСФСР-нь Совнаркомонь Председателень И. С. Хохлов депутатонть речеэ. Сон невтьсэ, што РСФСР-нь республиканской промышленностесэ 1940 иень планонть топавтызе. Сехте пек бойкасто развивался районной промышленностесэ. Но республиканской промышленностень роботасонзо улить существенной асатыкт.

Хохлов ялгась тешкстызе, што депутатнэ видестэ критиковизь лесной промышленностинь, стройматериалонь промышленностинь Наркоматнень ды совхозонь Наркоматонть деятельностьсэ. Те критикантьт должны учеть Наркоматнень руководителтьне, недочетнэ жо должны улемс маштозь сехте нурькашкасто. Теньсэ — 1941 иентень бюджеттэнь успешной топавтомань условиятнесэ вейкесэ.

Хохлов ялганть выступлениядонзо мейле РСФСР-нь Государственной бюджеттэнь докладонть коряс прениятне приросты.

(ТАСС).

### ВЛКСМ-нь ОБКОМСО

Апрелень 1-це чистэ ульнесь ВЛКСМ-нь Мордовской обкомонь бюронь заседания, косо толковазь вопрос ВЛКСМ-нь райкомтнесэ ды горкомтнесэ руководящей комсомольской активень курсонь организовамо.

Те вопросонть коряс ВЛКСМ-нь обкомонь бюрось примась специальной постановления.

Мерезь ВЛКСМ-нь райкомтненень ды горкомтненень 1941 иень апрелень 10-це чиньт самс организоваць райкомтнесэ ды горкомтнесэ курет руководящей комсомольской активеньт (райкомонь, горкомонь бюронь члентнень, комиссиянь председателтьненень, районной центрассо первичной организациянь секретартненень).

Неть курстнесэ руководящей комсомольской активесэ должен 1941 иентэнь прирост ВКП(б)-нь историянь тонавтнеманзо «Краткой курсонть» коряс. Теде башка, активесэ должен усвоить комсомольской организациятнень практической роботань основной вопроситнень; ютамс СССР-нь Осоавиахимень центральной советэнь программанть 1-це ступенень ВС-нь аноктанть коряс ды максоме 1-це ступенень ГТО-нь комплексань весе норматненень.

Райкомтненень ды горкомтненень мерезь аравтомс курстнесэ занятиятнень ютавтнемань определенной читьт ды част. Занятиятне должны эрсеми ковонзонзо нилексты, аволь седе чуросто.

### Эйкакшонь литературанть коряс совещания

Апрелень 3-це чистэнь ВЛКСМ-нь Мордовской обкомсо ульнесь эйкакшонь литературанть коряс совещания.

Мокшонь эйкакшонь литературадонть доклад теиь А. Карасев ялгась, эрзянь эйкакшонь литературадонть — П. Кономанин ялгась.

Докладтнень коряс прениясо кортасть 10 ломать, сынст ютксэ: ВЛКСМ-нь Мордовской обкомонь секретартне И. Соловьев ды Я. Сазанов ялгатне, социалистической культурань Мордовской научно-исследовательской институтонь (МНИИСК-нь) научной сотрудниксэ А. Маскаев ялгась, эрзянь писателтьне ды поэтиэ П. Кириллов, А. Рогожин, А. Щеглов, Н. Филиппов ялгатне ды лият.

Кода докладчиктне, истя жо прениясо кортыцятне тешкстызь, што меельсэ шкастонть мокшонь ды эрзянь кельсэ эйкакшонь литературасэ икелень коряс пек седе касыть, улить а берянь ёвтнемат ды стихт. Яла теке весе се, мезе сёрмадозь эйкакштненень, кода эсь количестванзо, истя жо эсь качестванзо коряс а ответи чиде чис касыця запросятнень ды сеть требованиятненень, конат ней предъявляются эйкакшонь литературанть. Минек овси алаомистат произведениянок, конат эйкакштненень воспитывають коммунизмань духсо, эсь родинанть преданностень духсо. Писателтьне ды поэтиэ ээть сёрмадовейкеяк стих, ёвтнема эйкакштненень трудовой ды военно-физкультурной воспитаниядонть.

Кой-китэ жо ловить эйкакштненень ёвтнемань, стихень сёрмадоманть сехте шождыне тевекс. Секс сеетсэ лиснить недоброкачественной, лиясто натой халтурной произведеният.

Кода эрзянь, истя жо мокшонь кельсэ арась вейкеяк истямо произведения, кона бу лездаволь тетятненень ды аватненень эсь эйкакшост видестэ воспитания тевсэнть.

Совещаниясонть критиковазельтэ «Пионерэнь вайгель» ды «Якстерь галстук» журналтнэ, конатне эсь качества коряс аштитэ еще алкине уровеньсэ.

Эйкакшонь литературанть коряс совещаниясонть седе подробной материал карми улемс «Ленинэнь киява» газетань сы номерсэнть.

### САМОДЕЯТЕЛЬНОСТЕНЬ ВЕЧЕР

Мартонь 29-це чистэ Чукало велень средней школосонть ульнесь организовазь пионертнень ды тонавтницятнень художественной самодеятельностень вечер.

Вечерсэнть ульнесь хороводной налксемат, танецт, киштнемат ды моразельтэ зярйа морот.

Вечерэсь ютась веселасто ды интереснойсэ. Эйзэнзэ пурнавкшность малав 100 пионер ды тонавтница.

Н. Базайкин.

Ардамовской район.

### Колхозной якстере уголоксо

Эрва чокшне Шугурова велень Калинин лемсэ колхозонь якстере уголоксо пешкксэ эрси ломанде. Пурнавкшность тозонь колхозникт, колхозницат, од ломать. Комсомолетнэ ютавнить газетань ды журналонь ловнома.

Якстере уголоксонть улить патефон, гармония. Сеетсэ эрсит киштнемат, танецт. Ламот чокшнень перть налксекшнить шашкасо, доминосо.

Ф. Пивкин.

Б.-Березниковской р-н.

Ответ. редакторось А. ЩЕГЛОВ.